

dum. Quia vero interim de eo eram sollicitus, de quo modo dixi, hoc est de confusione apud Studiosos Physicæ; eos præsertim qui profectus sufficientes nondum fecissent, & ne, si prorsus tacerem, periclitaretur tandem honorifica, quæ esse debet, existimatio sapientissimæ antiquitatis, & laudatissimorum fundatorum, qui tanto consensu receperint, approbarint, sanciverint Philosophiam Aristotelis, cujus tamen fundamenta flabro tam levi dispelli & convelli possint; officij mei esse putavi Studiosos Physicæ in hac Universitate dissertatione hac, privatim initiò ostensa, & nunc quia ita placere nonnullis videbam in Disputationem publicam redacta, ab ista ruina vel præmunire vel si qui vacillarent, aut planè lapsi essent, quorum neutrum adhuc dum spero, tollere atq; sustentare. Quod nostrum propositum cum non dubitemus omnibus sine affectu sinistro judicantibus nos probaturos, sequentibus Thesisibus sententiam nostram exponimus.

T H E S I S I.

UT in plerisque controversiis quas movent Aristoteli adversarii ipsius, vapulare ipse cogitur non tam sua quàm suorum adversariorum, imò etiam, quorundam defensorum & interpretum culpâ;